

# შინაური საქმეები

№ 37

შანი ერთი შური

ქლეური ფასი სამი მან.

წელიწადი მეოთხე.

სომეხი-ქართველი გაზეთი

კვირა, 13 ნოემბერი 1911 წელი

ყოველ-კვირულ გაზეთ

შინური საქმეები

თბილისის უნივერსიტეტის (№ 17) და თბილისში კამონტეკლოან სომ. ხას ბაზარში, სომხანის სუბს მადზაში. გამოცემა კოველი თეში ოთხი ნომერი, მბ. ხელის მომწერლებს ვახუთის ფასი მუელი წლის ურთოდ გამოგზავნონ.

წლიური ფასი: 3 მანეთი. მასიდან წლის პოდოდის ნახ. წლი: 2 მანეთი. 2 მანეთი და 10 შური. ადრესი: ქუთაისი: „შინური საქმეების“ რედაქცია.

შინაური: 1) სიტყვა თქმული ნ ნომერის ფოთის საკრებულო ტაძარში განსვენებული ნ. ზ. ცხვედაძის სულის მოსახსენებელ პანაშვიდზე—ეპისკ. ლეონიძისა; 2) სიტყვა წარმოთქმული ნ. ზ. ცხვედაძის დ კრძალვის დღეს მ გიორგობის თვეს—დეკანოზ ნ. თალაქაძის; 3) სიტყვა თქმული გიორგობისთვის 2 სათავად-აზნაურო გიმნაზიის საეკლესიოდ დანიშნულს დარბაზში ნ. ზ. ცხვედაძის სულის მოსახსენებლად გარდახდლის პანაშვილის წინ—დეკ. კ. ცინცაძისა; 4) ცოტა რამ სამღვდლოების შეერთება და მათ შორის ურთიერთობა და კავშირის გაძლიერებაზე—იათეონისა; 5) კრიტიკა და ბიბლიოგრაფია—ხომლელისა; 6) ბერის დღიურიდან სული და ნივთი—ალექსი ბერისა; 7) კიდევ ღია წერილი ოზურგეთის მახრის მისიონებს თავდს მელქისედეკ ნაკაშიძეს—ქაჯეთელი.

## ს ი ტ ყ ვ ა

თქმული ნ ნომერის ფოთის საკრებულო ტაძარში განსვენებული ნ. ზ. ცხვედაძის სულის მოსახსენებელ პანაშვიდზე.

ხუთშაბათს, ამ თვის სამს, ქალაქ თბილისში ჩვენმა თანამემამულეებმა დიდი გლოვითა და მწუხარებით მიაბარეს მიწას ერთი საუკეთესო მოღვაწე ქართველის გვაში. კაცი, რომელსაც თავს დასტიროდა შეგნებულ ქართველთა გუნდი, იყო ნ. ზ. ცხვედაძე. განსვენებული არც დიდი მემამულე და კაპიტალისტი იყო, არც მაღალ უფლებათა მოხილი ვარსკვლავებითა და მენდლებით მკერდ



მოქედლი მოხელე და არც ბრწყინვალე, გავლენიანი, გვარისშვილი. მის სიმდიდრეს შეადგენდა მალალი განათლება და ფართე ცოდნა, მისი გულის სამკაული და მშვენიერ იყო თანამოძმეთა უსაზღვრო სიყვარული და მათ საკეთილოდ უანგარო, დაუღალავი, თავდადებული და დაუცხრომელი მუშაობა, მისი სიცოცხლის უმთავრესი საგანი იყო ქართველ ერში განათლების მოფენა, ქართველი ერის გონებრივი გაძლიერება, ქართველების დაყენება საღსა და შეუჭრებელ წინსვლა-წარმატების ფართე გზაზე. განსვენებულმა ნ. ზ. ამას ანაცვალა და ამას შესწირა მსხვერპლად საკუთარი პიროვნობა, ოჯახობა და ნათესაობა. მუდამ სხვებითვის მზრუნველს და სამშობლოს ბედნიერების მოტრფილს, ცხვედაძეს არასოდეს არ ეცალა საკუთრად თავისთვის.

სამშობლოსა და მოყვასისადმი განუსაზღვრელი სიყვარულით იყო მოცული გარდაცვალებული ნ. ზ. მთელი არსება და ვისაც კი იგი დაუახლოვდებოდა, ვისთანაც საქმეს წყობილობდა, ვისაც პროექტორივით მიანათებდა საზოგადო სიკეთის სურვილით გაბრწყინებულ იდეებს, ყველას ამოძრავებდა, ყველა გრძნობაში მოჰყავდა, ყველას აღვიძებდა და ზნეობით ამაღლებდა. ნ. ზ. მადლიანი გულიდან გამოსული თხოვნა ისეთი უძლეველი და მომხიბლავი რამ ძალა იყო, რომ თავის თავად იხსენებოდნენ მის წინ შეძლებული ქართველების ოქროს სკივრები და ამა ქვეყანის მძლავრთა კაბინეტის კარებები თანაგრძნობა-ღაზმარების სურვილის გამოსაცხადებლად. ესაა მიზეზი, რომ ჩვენი ქვეყნის ყოველი კუთხის გაქირვებული მოსწიფლე ახალგაზდობა მუდამ დღე ქიანქველასავით გარს ეხვეოდა განსვენებულს და იგიც თავგამოდებით მოციქულობდა გაქირვებულთათვის მდიდრების წინ. ვინ მოსთვლის, რამდენ ახალგაზდას მოუპოვა ნ. ზ. თავისი მარდიანი სიტყვით სწავლის მიღებისათვის საქირო საშვალეობა და რამდენი ღღეს ჩვენში მისი დახმარების წყალობით პატიოსანი მუშაჲი და მოქალაქე!

ღარიბი სოფლის მკვდლის შვილი და უბ-

რლო მასწავლებლობაში დაბერებული ნ. ზ., ერთ-ბ ძვირფაჲ, სასურველ, სასახლო და გამოსაჩენ პირად იყო მიჩნეული ყველა შეგნებული ქართველისაგან. ვისაც კი ცოტა რამ ეცხო ქართველობისა, ყველა სასიქადულოდ სთვლიდა ცხვედაძეს გაცნობას, მასთან დაახლოვებას და მეგობრობას; ყველა დაჯერებული იყო, რომ ნ. ზებედესძესთან სიახლოვე ზნეობრივად აამაღლებდა, გაასპეტაკებდა, სინათლის გზაზე დააყენებდა და შეაყვარებდა თავის მოყვასს იმ საღმრთო სიყვარულით, რომელიც ოქროსა და ყველა დიდებაზე უსასურველესია, რომლის შესახებაც საღმრთო წერილი გვიბძანებს: „რომელსა უყვარდეს ძმა თვისი, იგი ნათელსა შინა არს და საცთური არა არს მისთანა“ (1 იოან. 2, 10).

ნიჭითა და ზეჲარდამო მადლით დაჯილდოებული პირი ბუნებრივი გრძნობით ცნობილობს თავისსავე მსგავს მალალ სულს და ისე სრულად და მტკიცედ უერთდება მას ცხოვრებაში, როგორც ერთი კალაპოტით შეერთებული სხვა და სხვა სათაურიდან მოჩქეფარი ანკარა წყაროების ლურჯად მოკამკამე ნაკადულები.

განათლებულმა, სამშობლოს მოყვარულმა, ქველისმოქმედმა, მშრომელმა, პატიოსანმა და სიმართლის განუყრელმა მეგობარმა, აწ განსვენებულმა დ. ზ. სარაჯიშვილმა, იმ თავითვე იცნო ნ. ზ. სულიერი არსების სიმშვენიერე და ამის გამო ისე დაუახლოვდა მას, რომ თითონ ჩამოირთვა თავისივე ოფლით შეძენილ ფულებზე მესაკუთრე პატრონის უფლება და მათი სხვებისთვის განაწილება, მათი გაცემა სხვებზე, სტიპენდიების დანიშვნა და ამგვარები ნიკოს მადლიან მარჯვენას მი:ნდო, ნიკოს სპეტაკ სვინიდის და პატიოსნებას ჩააბარა. ნიკოლოზ ცხვედაძის სულის მალალთვისებებს იმდენათ უმოქმედია დ. ზ. სარაჯიშვილის მგრძნობიარე გულზე, რომ სიკვდილის შემდეგაც სწყურებია მას ამ კეთილშობილ გვამთან განუშორებლობა და ანდერძად დაუტოვებია: ნიკო რომ გადაიცვალოს, გვერდით დამისაფლავეთო!


ნეტარება ერთსაც და მეორესაც!  
 მაგრამ განა მართო დ. სარაჯიშვილზე, მხოლოდ კერძო პირებზე ჰქონდა განსვენებულ ცხველადეს ასეთი უზომო სასიკეთო გავლენა? მან ფეხზე დააყენა მთელი საზოგადოება, მთელი ჯგუფი ქართველობისა და გაიყოლია ისეთ საქმეში, რომლის შესახებ სხვა უიმისო ხმის ამოღებასაც ვერ გაბედავდა. განსვენებულმა ცხველადემ დაწყებინა და დაასრულებინა დარიბისა და უღონო ქართველ საზოგადოებას ისეთი საუცხოვო ტაძარი მეცნიერებისა, რომელიც დიდად ჩრდილავს თბილისის ყველა სასწავლებელთა შენობებს და რომლის ბადალი დღეს ქართველ ერს არა მოეპოვება-რა. თბილისის ქართული გემნაზიის კოლოსალური შენობის თვითველი აგური მოზლილია ნ. ზ. გონიერი შეუბლიდან მოწურული ოფლით და, თუ დღევანდლამდე უცხოელი მეცნიერები განცვიფრებაში მოდიოდნენ საქართველოს ძველი ტაძრებისა და ციხე-კოშკების გეგმებით, დღეიდან საქართველოში მათი ყურადღების პირველ საგნად შეიქნება თბილისის ქართული გემნაზიის სიუცხოვო, მდიდარი მეფური შენობა.

რწმენა, რწმენა წრფელი და ძლიერი, — აი ის ზეციური ძაღლი, რომელიც ფრთებს ასხავს კაცს და ათრგუნენებს მას ყოველ გვარ სიძნელეს. ამ ძაღლის საუნჯეს წარმოადგენდა ნ. ზ. ფართო გული და აკი წუნდაუდებელ გმირად გამოიყურებოდა იგი სიკოცხლეში!

ნიკოლოზ ცხველადესი და მის მსგავსთა არსებობა იმის მაჩვენებელია, რომ ქართველი ერი ჯერ კიდევ საღი და მძლავრია სულითა, ჯერ კიდევ შორს არის ზნეობრივი არა რაობისა და უძღურებისაგან. მაღლიანი ხსოვნა ამგვარი პირებისა და შეთვისება მათი მოქმედების ხასიათისა ზნეობრივი ვალია ჩამომავლობისა. შევასრულოთ ჩვენი მოვალეობა, მტკიცე ანდერძად დაუღოთ ჩვენს შეილებს და შეილისშვილებს ნ. ზ. სახელის მუდმივი ხსოვნა და დაევალოთ მათ იმ პატიოსანი რწმენითა და მიმართულებით მოქალაქობა, რომლითაც მოღვაწეობდა დაუვიწყარი ნ. ზ.

ცხველადე. შევთხოვოთ ზეციურ მამას, რომ სამშობლოსათვის დამაშვრალს და მტლედ დადებულს ნიკოლოზს მიანიჭოს მან საუკუნო კურთხევა და ნეტარების დამკვიდრება. ამინ.

ეპისკოპოსი ლეონიდი.



# ს ი ტ ყ ვ ა

წარმოთქმული ნიკოლოზ ზებედეძეს ცხველადის სამარეზე დაკრძალვის დღეს, 3 კიორგობისთვეს.

ძმანო! დღეს... „ისევ გლოვობს ჩვენი ქვეყანა!“

მის მცხოვან ქირისუფალთა გუნდს ჩამოსწყდა ერთიც ფრიად მგრძნობიარე სიმი!

ეს სიმი ორმოცი წლის განმავლობაში საუცხოვოდ უხმატკბილებდა ჩვენი ქვეყნის საზოგადო მოღვაწეთა მძიმე უღლის წვეს. ამ უღელში შემხულ უანგარო, თავდადებულ მუშაკთ გამოეთიშა ნიკოლოზ ცხველადე!

საკმარისია ამ სამაგალითო ადამიანის ხსენება, რომ კოტათი ოდნათ მიინც შეგნებულმა ქართველმა არ იგრძნოს, თუ რა აუნაზღაურებელი დანაკლისი მოუყადა ჩვენს დაბეზვებულ ერს ამ მოღვაწის დაკარგვით.

განსვენებული ნიკოლოზი ჩვენში ერთხმად მიჩნეულია სამაგალითო პედაგოგად ანუ, ჩვენებურად რომ ვსთქვათ, —ახალ-თაობათა აღზრდელ-მასწავლებლად, განმანათლებლად\*. განმანათლებლად ამ მხრივ მან სამართლიანად მოიხვეჭა სახელი, ვინაიდან ხანგრძლივი, ნაყფიერი და გულწრფელი იყო მისი ამ დარგში მუშაობა.

მაგრამ განსვენებულის მასწავლებლობა არ განისაზღვრება ამ მცნების ჩვეულებრივ ვიწრო შინაარსით. ის ამასთანავე იყო მთელი ერის მასწავლებელი, — ის სათავეში ედგა საქართველოს გათვითცნობიერების წყაროს — „ქ. შ. წერა-კითხვის გამავრცელებელ საზოგადოებას.

განსვენებული ამ ჩვენის სასიკაღლო საზოგადოების ერთი უმთავრეს დამფუძნებელთაგანია, მისი პირში სულის ჩამდგმელი და მამოძრავებელი!

ამასთანავე განსვენებული არც ერთ სხვა კულტურულ დაწესებულებას ჩვენის ქვეყნისას არ აკლდება თვის მადლიან ყურადღებას და შემწევობას. ქირთლელის დარბაისელ სიღინჯით და შეუღრეკელ ენერგიით ნაყოფიერად იღვწოდა ის ყველგან, სადაც კი საჭიროდ დაინახავდა თვის მონაწილეობას. გარნა მასში საჭიროებდნენ ყველანი ყველგან, ვინაიდან განსვენებული ღვთისაგან დაჯილდოებული იყო პრაქტიკული ნიჭით, რაც, სამწუხაროდ, ასე იშვიათია ჩვენს ქართველობაში. ნიკოს ვითაბირებოდნენ ყოველ მნიშვნელოვან საზოგადო საქმეს მოგვარებაში!

მაგრამ განსვენებულმა საგანგებო საქმიანობის უნარი გამოიჩინა ქართულ გიმნაზიის აწინდელ დიდებულ სასახლის აგებაში.

ეს სასახლე, რომელსაც არც ტფილისის მომავალი უმაღლესი სასწავლებელი დაიწუნებდა, ქეშმარიტად სიცოცხლეშივე აგებული უკვდავი და თან სასახლო ძეგლია განსვენებულისათვის!

ადვილად ითქვის ამოდენა შენობის აგების გაძღოლა, თან ათასგვარ დაბრკოლებებთა ძღვევა, შენობის ჰიგიენურად თუ ხუროთმოძღვრულად მორთვა-მოწყობა!

აკი გულიც გაიწყალა განსვენებულმა! მაგრამ მაინც თავისი გაიტანა და განმანათლებლის სახელთან ერთად სამართლიანად შეგვიძლია უწოდოთ მას აღმაშენებელიც!..

ამ სახით ჩვენ დღეს ვეთხოვებით და სამარეს ვაბარებთ ფრიად და მაშვრალ, ქვეყნის ერთგულ, უანგარო მოღვაწეს, რომელმაც მთელი თვისი ძალ-ღონე მოახმარა დაჩაგრულ სამშობლოს სამსახურს.

განსვენებული, როგორც პრაქტიკული მთღვაწე, უგულითადესი მეგობარი იყო აქვე ამ ზაფხულს დაკრძალულ მამულიშვილის, დაუვიწყარ დაეით სარაჯიშვილისა. იმათ მალე გაიგეს ერთმანეთის მიმართულება-გულისპასუ-

ხი და ორთავემ შეერთებულის ძალ-ღონით პრნათლად აღასრულეს მანულიშვილთა მოვალეობა სამშობლოსადმი,—ნიკოლოზი დაეითის „მშვენიერი მზრახველი“ იყო!

ესენი... სიკვდილშიდაც განუყრდნი აღმოჩნდნენ! ჯერ არც კი გამშრალა დაეითის საფლავი, რომ იქვე, მის თაყით, გაალო პირი მეორე საფლავა, რომელმაც უნდა მიიღოს მეგობრის უსულო გვამი—ასეთი ყოფილა მათი სულიერი ურთიერთობა!..

გვამი ამათი მიიბარა სამშობლო მიწამ, ხოლო სულნი მათნი შევავდროთ, ძმანო მაცხობის, რათა მან დააწესოს ისინი, სადაცა მართალნი განისვენებენ.

გარნა საქმენი მათნი მოგვიწოდებენ ჩვენ ქვეყნის სამს ხურისადმი—ისინი გვიხმობენ: „მობაძავ ჩვენდა იქმენი, ძმანო“!

საყვარელნო! ვისმინოთ ხმაბა ესე მათი, ქვეყნიური მოქალაქობა ჩვენიც არ იქმნეს ფუჭი, არამედ ნაყოფიერი, ღვთისა და ქვეყნის სასიამოვნო და სასარგებლო! ამ-ნ.

დიდუბის ეკლესიის წინამძღვარი  
დეკანოზი ნ. თაღაქვაძე.



# სიბუბა

თქმული 1911 წ. გიორგობისთვის 2 სათავად - აზნაურო გიმნაზიის საეკლესიოდ დანიშნულს დარბაზში ნ. ზ. ცხვედამის სულის მოსახსენებლად კარდახდილის ზანაშვილის წინ, დეკ. კ. ცინცაძის მიერ.

განუსვენე უფალო სულსა მონისა შენასა!

ქეშმარიტად ყველა ადამიანი არის მონა უფლისა და მოიღებს მისგან ხუთს, ორს, გინა ერთს ტალანტს, მსგავსად ძალისა თვისისა (მატთე 25, 5). განსვენებული ნ. ცხვედაძეც, რომლის ლოცვა-კურთხევით მოსახსენებლად

ჩვენ შევკრებილვართ აქ, იყო მონაღვთისა და მოილო უფლისაგან ტალანტი მასწავლებლობისა, რომელიც აქმნია მან ჯერ მის აღმზრდელ ტფილისის სასულიერო სემინარიაში და შემდეგ ტფილისის ქალთა ინსტიტუტში და წმ. ნინოს სასწავლებელში. თუმცა მასწავლებლობის სარბიელზე მოღვაწეობა ფრიად ძნელია, ვინაიდან ნორჩი და სათუთა არსება მასწავლებელმა დიდის სიფრთხილით და თავანწირულებით უნდა აღზარდოს მამაკაცად სრულად, საზომად სავსებისა მის ქრისტესისა (ფ. 4, 13), მაგრამ გასვენებულმა ნიკოლოზმა ღირსეულად განვლო ერთხელ არჩეული სარბიელი ხსენებულ სასწავლებელში და დაიშახურა მოწაფეთა და ამხანაგთა სიყვარული, ხოლო უფროსთაგან პატივისცემა და მოხუცებულობის დროს უზრუნველად ცხოვრების საღსარი.

ჩვეულებრივი ადამიანი ამ ვიწრო ფარგლით შემოხაზულს სარბიელზედ მოღვაწეობით დაკმაყოფილებოდა, ხოლო მის ღირსეულად განსვლის შემდეგ, შეუდგებოდა მყუდრო ცხოვრებისთვის ზრუნვას. ნიკოლოზ ცხვედაძე კი ჩვეულებრივის ადამიანის სოფლმხედველობამ ვერ დააკმაყოფილა, რადგანაც იგი უფლისაგან დაჯილდოებული იყო არა ერთის მხოლოდ ტალანტით: მასწავლებლობის უღლის ზიდვის დროს, იგი ემსახურებოდა მშობელს ქვეყანას თუ ჟურნალ-გაზეთებში საჭირო-ბოროტო საგნებზე წერილების მოთავსებით, თუ მოქალაქეთა საბჭოს ხმოსნის სახელით, თუ ქართველთა ერის ემბაზის—სვეტიცხოვლის განახლების დროს მუშაობით და სხ. მაგრამ ეს ცხოველის სულის პატრონი ადამიანი ვერც ამ მრავალფერადოვანმა მოქმედებამ დააკმაყოფილა, — მის სწყუროდა მშობელი ერი განათლების სწორე გზაზე დეყენებინა, მან კარგად იცოდა, რომ წინათ ჩვენს ქვეყანაში განათლების საქმე სხვანაირად იყო მოწყობილი: თითქმის ყველა ეკლესიისა და მონასტრის ეზო წარმოადგენდა ეროვნულს სასწავლებელს, სადაც მოზარდი თაობა დახელოვნებულს ოსტატების, მღვდემონაზონთა მეოხებით დედა-

ენაზე ითვისებდა ცნობას ღვთისა, ადამიანისა და გარეშემო ბუნებისას. მეცხრამეტე საუკუნეში კი, ეს ეროვნული სასწავლებლები განქრნენ, ხოლო მათ მაგიერნი ან არა სჩანდნენ, ან მიუწოდომლნი შეიქმნენ ჩვენის ერისათვის, — სასწავლო ენის უცოდინარობა და ქონებრივად დაქვეითება მოსწავლეთა მშობლებისა შეადგენდა ამ მოვლენის მთავარ მიზეზს. ყოველი ეს გაითვალისწინა მოძმეთათვის გულშემატკივარმა ახალგაზრდა მასწავლებელმა ნ. ცხვედაძემ და მცირე რიცხოვან თანამშრომლებთან ერთად შეუდგა წერაკითხვის გამავრცელებელის და თავად-აზნაურთა შეუძლებელ მოწაფეთა შემწე საზოგადოებათა დაარსებას და მათ მიერ დასახულ მიზანთა განხორციელებას. მიუხედავად იმისა, რომ ნიკ. ცხვ დაძე დატვირთული იყო არსობის პურის მოსაპოვებლად სამუშაოთი, იგი შეიქმნა ორსავე საზოგადოების საქმეთა მომდინარეობის მთავარ ძარღვად და სულ მოკლე დროში დაარსა სოფლიად წერაკითხვის სკოლები, ხოლო ტფილისში საშუალო განათლების სასწავლებელი, — ეს ჩვენი ძვირფასი გიმნაზია. დააყენა რა სწორს გზაზე წერაკითხვის საზოგადოების სკოლათა მსვლელობა, მან განსაკუთრებითი ყუიადღეობა მიაპყრო ამ ტაძარს განათლებისას, და გადასწყვიტა უზრუნველ ეყო იგი ყოველ მხრივ, და უმთავრესად საკუთარის შენობის შეძენით: სანამ გიმნაზიას საკუთარს შენობას არ მოკუბოვებ და არ დავაბინებ ყოველის მხრით გამართულს შენობაში, მანამ ვერ მოვისვენებო, იტყოდა ხოლმე განსვენებული... ბევრს, ძალიან ბევრს მოხუცებულის ახირებად მიაჩნდა მისმიერ გიმნაზიისთვის საჭირო ადგილის ძებნა და სასწავლებლის გეგმის დამზადება. ნ. ც. — ძეს უნდა უფულოდ სასახლე ააშენოსო, გაისმოდა ვარ. შემო. ხოლო განსვენებული ამ დაცინვას თითქმის ვერც კი ამჩნევდა, ის დღე და ღამე იქმოდა (1 თეს. 2, 9) და სასოვბდა არა თუმცა უფულისან აღაშენა სახლი, ცუდად შერებიან მაშენებლნი მისნიო (ფს. 126, 1). უფალმაც აკურთხა შრომანი და რუდუნებანი (1 თეს. 2, 9) მისნი და, ეს უკვე რავდენიმე წელიწა-

დია, ჩვენი სასწავლებელი მოთავსებულია ამ შეუპ-ვარის ხასიათის და დაუცხრომელის შრომის-მოყვარე ადამიანის მეოხებით აგებულ სასახლეში. ეხლა კი ჩვენ ვიმყოფებით იმ დაბაზში, რომლის სულისწმინდის სამუდამო სადგურად გარდაქცევის განსვენებული მოვლოდა ყმაწვილურის ხალისით და აღტაცებით. ამ განუხორცადლებელის სურვილის შესრულება და ამ სასახლის შენარჩუნება სკოლისთვის მან უანდერძა მის თანამშრომლო და სასწავლებლის მესვეურთა, რომელნიც, უეჭველია, არა უგულვებელს ჰყოფენ სკოლისათვის თავდადებულის მოხუცის მოლოდინს და უკნასკნელს სურვილს.

თქვენ კი, საყვარელო მოწაფენო, ნურასოდეს ნუ დაივიწყებთ მის თქვენდამი განუსაზღვრელს მამობრივს სიყვარულს, თქვენდა სკეტილდღეოთ უანგარო განუწყვეტელ შოობას და მუდმივ წმ. მოციქულის სიტყვით დარიგებას, — გიყვარდეთ თქვენი სამშობლო არა სიტყვითა ხოლო, გინა ენითა, არამედ საქმითა და ქვეშარიტებითა (1 იოანე 3, 18). ეხლა კი, შევევდრეთ უფალსა, რომ დააწესოს სული მისი მართალთა თანა და მიანიჭოს მას გირგვინი უკვდავებისა. ამინ.

**ცობა კამ სამღვდლოების შეერთება და მათ შორის უკთიერთობა და კავშირის გააღვივებაზედ.**

არსად და არაფისთვის, შეერთება და ერთმანეთის შორის კავშირი, ისე საჭირო არ არის და არც ისე ნაყოფიერი იქნება, როგორც — სულიერ წყყემსთა შორის. ამისთვისაც, მწყემსთმთავარი იესო ქრისტე, განკერძობით ლოცვილობდა მწყემსთა ერთობაზედ: „მამო წმიდაო, დაიცვენ ესენი სახელითა შენითა, რომელნი მომცენ მე, რათა იყვენ სრულ ერთობითა“.

წაიკითხეთ საქმე წმიდათა მოციქულთა და ნახავთ, თუ რა ღვათებრივი სიყვარულით და მტკიცე, საყვდილამდის განუწყრედი კავშირით,

სცხოვრობდნენ, ერთმანეთ შორის, მოციქულნი და ან რა მამობრივი ზრუნვით ეწყობიან, თვის ახლად განათლებულ სამწყსოს. შორს მყოფნიც არ იფიწყებენ მათ და აქეთ მათთან ხშირი მიწერ-მოწერა. მაგრამ გავიდნენ საუკუნრები და მოციქულთა მოადგილეთა შორის, თან-და-თან შესუსდა სიყვარული და ერთმანეთ შორისი კავშირი.

როგორ სცხოვრობს დღეს სამღვდლოება? მგონი სრულიად განკერძობებით. მღვდლომთავრები, ეპისკოპოზის კურთხევის დროს თუ შეხვედებიან ერთი გეორგს, თორემ სხვა რაიმე მათ შორის ერთობა-კავშირზეა, ხომ ბასიცი მეტი. მათი ხელქვეითი სამღვდლოებაც ამავე გზას დადგომია და თვის მახლობლად, თვისივე თანამწირველის დანახვა, გუგულივით ეჯავრება და მასთან არც რაიმე კავშირი სურს. მიუხედავთ იმისა, რომ მთელს ეპარქიის სამღვდლოებაში არაფითარი კავშირი არ არსებობს, იგი არ არის თითქმის თითველ საბლალოჩინოშიაც. ამას ადვილად დღინახავდა ის, ვინც ჩვენს ეპარქიაციურ და საბლალოჩინო კრებებს დასწრებია და ან სამღვდლოების შინაგან ცხოვრებისათვის თვალყური უდევნებია. მეტი რომ არ ვსთქვათ, არამც თუ მთელს საბლალოჩინოში, არამედ ერთი ორ შტატისანი ეკლესიის, ერთ და იმავე მრველში მოსამსახურე, ორ მღვდელ შუაც კი ვერ ჰპოვებთ ერთობასა და კავშირს. თვითველი ჩვენთაგანი, უმეტეს ნაწილად, სცხოვრობს თავის განსაკუთრებული ცხოვრებით, და საზოგადოებრივი მაჯის ცემა ჩვენს შორის თითქოს სრულიად შემწყდარა. პირად საქმის და სამსახურის მუტი, არც გვაწუხებს და არც გვახარებს რამე; ასე რომ ქრისტეს სარწმუნოებისა, და ტანისამოსის მეტი, ჩვენ საერთო აღარა დაგვრჩენია რა.

ბოდიშს ვითხოვ ჩემ თანამოძმეთა წინაშე, სამღვდლოების დღევანდელ შინაგან ცხოვრების ასე მუქი საღებავით დასურათებისათვის, მაგრამ რა ვქნა, თქვენც დამეთანხმებით, რომ ეს ნამდვილი მწარე სიმართლეა, ხოლო ამ სიმართლეს ოდესმე თქმა უნდა; ამან იქნებ

დაგვაფიქროს და გავვაკეთებოთ რამე ერთმანეთთან შეერთებასა, კავშირსა და შეთანხმებაზედ.

მხილებისა და სასაყვედურო სიტყვებს მაგიერ. რომლებიც ბევრს არაფერს სარგებლობას მოგვატანენ, ჩვენ ამ ხანად შეძლებისა დავგვარად, მოკლეთ ჩამოეთლით იმ კეთილ შედეგებს, რომელნიც ჩვენს შეერთება და ძვირ კავშირს მოჰყვებიან.

ჩვენ ვიცით, რომ ღვდლის მოქმედება, იწყება ლოცვით ანუ ღვთის-მსახურებით. ღვთის მსახურება, ეკლესიის დადგენილობით, უნდა შესრულდეს ტიბიკონისამებრ, მაგრამ განა ყველამ შედმიწვევით იცის ტიბიკონი? ათში ერთსაც გაუჭირდება, მისი ზედმიწვევით ცოდნა დაიჩემოს, ამისთვისაც, ახლად ნაკურთხი წინამძღვარი, ხშირად ღვთისმსახურებისა და სხვა-და-სხვა მღვდელთა მოქმედების დროს, მოქმედობს შეხედულებისამებრ, ახლენს შემოკლებას, რაიცა შემდეგში ჩვეულებად ექცევა, ხოლო ეს კი მსმენელზედ ცუდათ მოქმედობს და ჰადაეს ათას გვარ ცთომილებს ერთმანეთ შორის, რომ ურთიერთობა და კავშირი ექმნაღეს, მაშინ კი სხვაფრივ იქნება: ვინაიდან, თითქუდ საბლადრჩინოში ყოველთვის მოიძებნება ორიოდვე ტიბიკონის და სხვა მღვდელ მოქმედების წესების ზედმიწვევით მკოდნე, მოხუცი მღვდელი ანუ მედავითნე, რომელთაც სხვა-და-სხვა კრებების და ურთიერთობის დროს, ადვილად შეძლოთ, ყოცოდინართათვის განემარტებიან და აეხსნათ ესა თუ ის საქირო კითხვები და სამნელო ტიბიკონის დადგენილებანი, და აშგვარად მღვდელ მოქმედებაში, თუ მთელს ეპარქიაში არა, ერთ საბლადრჩინოში მაინც ერთგვარი მოქმედება იქნებოდა.

მეორე საქმე მღვდლის მსახურებაში არის ქადაგება, რომლის აყვავებისთვისაც, სამღვდლოების შეერთება და ერთმანეთ შორის კავშირი, ყველაზედ უპირველესი საგანია. თვით ქრისტიე გზაენიდა მოციქულებს საქადაგებლოდ ორაორს, და მოციქულებიც, ქრისტეს ამადღების შემდეგ, ქადაგებდნენ სახარებას ერთი მე-

ორის შეწევით და თანამგზავრების ხლებით. თუ მოციქულები, სულის მიდის ძალით უცხო ენებზედ მოსაუბრენი და სასწაულებრივი ძალით აღვლინი საქიროებდნენ ერთიმეორის და თანამგზავრების დახმარებას, და მაშინაც კი პავლე მოციქული ექვთ ეკიხება თავს: „ნუ უკვე ცუდად ვრბიოდი ან ვსაბი“, მით უმეტეს ამაში საქიროებს დღევანდელი სამღვდლოება, ყველასაგან დევნილი და მივიწყებული.

თუ რა საქიროა მქადაგებლისათვის სხვისი დახმარება და მასთან კავშირი, ამაზედ მოგახსენებთ, რომ გარდა საღვთისმეტყველო განათლებისა, რომელსაც ბევრი ჩვენთაგანი მოკლებულია, მქადაგებლისათვის საქიროა ცოდნა და გაცნობა სხვა და სხვა თანამორწმუნე ერების, წაბაძვია ღირსად ცნობილ მქადაგებელთა ნაწარმოებისა და იმ ქადაგებათა კრებულთა, რომელნიც დღეს ხშირად გამოდიან რუსულს და ქართულს ენებზედ — მქადაგებელთა ძნელი საქმის გ საადგოლებლად, რომელთა არსებობაც, შესაძლოა, ბევრს არც კი იცოდეს და თუ გინდ კიდევაც იცოდეს, ან შეძლება და ან ცოდნა არ შესწევს მათი გაცნობისათვის სხვის დაუხმარებლად. მაგრამ ყველაზედ უმთავრესი აქ ის არის, რომ მქადაგებელმა უნდა იცოდეს, როგორც თვისი მსმენელის და მრევლის ყოფი-ცხოვრება ისე მის სამრევლოს გარეშე მომცხოვრებთა სულიერი მიდრეკილებანი, ამათი გაგება და ცოდნა კი, მარტო მქადაგებლის ოთახის ფანჯრიდან არ შეიძლება, ან რომ კიდევაც რამე გაიგოს და შეიტყოს, მისი ცოდნა ამ საგანზედ იქნება იწრო და ცალმხრივი. რაიცა ჯერ მის ქადაგების დამარწმუნებლობას შეასსტუებს და შემდეგ, ქადაგებაც მიზანს ვერ მოაღწევს. სამღვდლოების შეერთება-კავშირით კი ყველა ამ ჩამოთვლილ ნაკლულოვანებათა აცდენა ადვილია.

შესამე საქმე მღვდლის მსახურებაში არის სამწყსოს სულიერი დამწყვება — ანუ მის სულიერ მდგომარობისათვის ზრუნვა. მღვდელმა უნდა იცოდეს თვისი სამწყსო და მისი სულის

კვებება და აღვედეს შესაფერ დარბეზას. აგრეთვე იგი უნდა იცავდეს მათ გარეშე მგელმტაცებელთაგანაც. აქ ხომ მისწრება არის მწყემსთა შორის კავშირი და ურთიერთობა და დამლუპავი განკერძოება და კარჩაკეტილობა.

ვსთქვათ, მღვდელი დარწმუნებულია, რომ მისი სამწყსო პატროსნათ და ლეთისნიერთ სცხოვრობს და მათ შორის არავითარ ზნეობის გამხრწნელ მოქმედებას და აზრებს არა აქვს ადგილი, მაგრამ ეს კიდევ მაინც ცუტაა.

მან უნდა იცოდეს კიდევ ის, თუ რა ზნეობრივი სიმბინჯე და ცული მიდრეკილება არსებობს მის მრევლის გარშემო მცხოვრებთა შორის, რომლებთაგანაც, მის სამწყსოს, რაიმე კავშირი და შეხება აქვს.


ექიმები, გადამდებ სნეულებას, დამფარავი საშუალებით ებრძვიან, აგრეთვე სამღვდელოების ზრუნვა მარტო იმის გაგებაზე კი არ უნდა იყოს მიქცეული, რომ მის სამწყსოში არის რაიმე ცოდვები თუ არა, არამედ გარედან მომავალი ცთომილებანიც უნდა აიცილინოს, დროით შესაფერი საშუალებით შეხედეს და მრევლში არ შემოუშვას. ამისთვის კი სამღვდელოების ერთმანეთს შორის კავშირი და ურთიერთობა ნამდვილი ფარია; ვინაიდან ერთმანეთთან კავშირის და ყოფნის დროს, მათ ყოველთვის ექმნებათ საშუალება, გაიგონ ერთმა მეორის სამრევლოს ცხოვრებაში მყოფი ესა თუ ის ცთომილება-მრეკილებანი და საერთო შოლაპარაკებით საშუალებაც გამოსძებნონ.

გარდა ამისა ვინ არ იცის, რომ სამწყსოთა სულიერ დაცვისათვის, უპირველეს საშუალებათ მოძღვრობა ითვლება, რომელიც მღვდლისაგან დიდ დაკვირვებას და ხანგრძლივ გამოცდილებას მოითხოვს, ხოლო ჩვენში ხომ კარგი მოძღვრები, სანთლით საქებარნი არიან. მაშ სად უნდა შეიძინოს მღვდელმა გამოცდილება და საქირო ცნობები, მოძღვრების ძნელ საქმეში, თუ არა თვისივე გამოცდილ მოძმეთა კავშირსა და ურთიერთობაში.

წოდება და მდგომარეობა მოითხოვს მღვდლისაგან, რომ იგი ყოველმხრივ განვითარებული და ყოველისფერში გამოცდილი იყოს. ვინაიდან იგი სამღვდლო წიგნში იწოდება: ანგელოზად, წინასწარმეტყველად, სანთლად, მარილად და სულიერ მამად. მან ყოველიფერზედ თავის ავტორიტეტული სიტყვა უნდა სთქვას, მანვე უნდა აუხსნას მრევლს როგორც სარწმუნოებრივი ისე ცხოვრების სხვა-და-სხვა სავეკო კითხვები, მასთან მიდიან ასი და ათასი სული სხვა-და-სხვა წოდებისა, მდგომარეობისა, ასაკისა, სქესისა და მისგანვე მოვლიან მამობრივ ზრუნვა - დარბეზას. მაშასადამე მღვდელი მუდამ უნდა ზრუნავდეს თვის ყოველმხრივ განვითარებას.

მაგრამ როგორ უნდა უგდოს ყური და აღვენოს თვალი ყოველივეს მან მხოლოდ ერთმა და ან რანაირად შეუძლია მას, განვითარდეს და ყოველიფერზედ პასუხის მიმცემი შეიქნეს? მართალია თვით-განვითარება-გამოცდილებისათვის საქიროა მუდმივი სწავლა და სხვა და სხვა დარგის წიგნების და ჟურნალ-გაზეთების კითხვა და საერთოდ, მიმდინარე ცხოვრების თვალყურის დევნება, მაგრამ მარტო ერთ მღვდელს, ისიც დღევანდელ ხელმოკლე ცხოვრებაში, განა შეუძლია სხვის დაუხმარებლად, ყოველივე წიგნები და ჟურნალ-გაზეთები გამოიწეროს და თვალ-ყური აღვენოს მიმდინარე ცხოვრებას, თუ ვინდ ამისთვის შეძლება და დასამხარ აღვილზედ ყოფნაც ხელს უწყობდეს? განა ჟურნალ-გაზეთობა, ეს მკვდარი უსულო საგანი, იმდენს გეტყვის და გაგაგებინებს, რამდენსაც, შენ ცხოვრებაში გამოცდილი და გამოძრძმედილი, რამოდენიმე წელიწადი შენისთანავე ასპარეზზედ მოსამსახურე და მომქმედი ამხანაგი? ან თვით ჟურნალ-გაზეთობას და წიგნებს, ერთიმეორის დახმარებით და ნათხოვრობით უფრო არ გავეცნობით?

იათქოზა.





### კრიტიკა და ბიბლიოგრაფია. \*)

თხზულებანი არჩილ ჯორჯაძისა. წიგნი მეორე: ჩვენი საზოგადოებრივობა. ფასი 80 კ.

#### III.

ამ მეორე წიგნში აქვს ბ. არჩილ ჯორჯაძეს მოთავსებული ნიჭიერად დაწერილი სტატია „პუბლიცისტი ილია ჭავჭავაძე“, რომელიც, როგორც თვით ავტორიც ამბობს, „არ გვაძლევს სრულ სურათს ილ. ჭავჭავაძის პუბლიცისტურ მოღვაწეობისას“, მაგრამ მაინც რამდენიმედ შუქს ფენს მის საზოგადოებრივ, პუბლიცისტურს მოღვაწეობას და ახასიათებს მას თითქმის სინამდვილითაჲ.

სამოციან წლების ლიბერალთა უნიჭიერესმა ბელადმა—ილია ჭავჭავაძემ 1876 წ. „დროების“ № 27-ში დასტავა თვისი ფრიად საყურადღებო სტატია „სად არის ქართველი და ქართველობა?“, რომლის ბადალი ეროვნულ საქმეთა შესახებ დაწერილი ძვირად შეგვხვედრია ჩვენს ლიტერატურაში. ბ. არჩილს ამ სტატიიდან მოაქვს ციტატები და სამართლიანად წერს: „აქ ავტორი თითქმის იმდენათვე ძლიერია, როგორცაა ის თავისს ხელოვნურს ნაწარმოებში. და, ვკითხულობთ რა ამ გულწრფელ, გულის სიღრმიდან გადმონაჩქეფ სიტყვებს, ჩვენდა უნებლიედ გვაგონდება „გლახის ნაამბობში“ დაწერილი სამი სტრიქონი, რომელიც ჩვენს მოვალეობას სამშობლოსადმი გვაცნობებენ: „სიცოცხლე ჩვენი, ჩემო ძმაო, არც დედისაა, არც მამისა, ქვეყნის არის, ჯერ ქვეყანა, მერე დედა და მამა, უზე რომ ამოდის, ვარსკვლავები მაშინ არა სჩანანო“.

ეროვნული პროგრამა, ილიას მიერ შემუშავებული ქართულს ლიტერატურაში, უცვლელად მიღებული აქვს ბ. არჩილ ჯორჯაძეს. ხოლო, რაც შეეხება ეკონომიურს პროგრამას ილია ჭავჭავაძისას, იგი ამაში არ ეთანხმება ილიას და ამბობს: „უმთავრესი საგანი ჩვენის უთანხმოებისა ეკონომიური ნიადაგია. ჩვენი ავტორი წოდებთა წყობილების გაღონიერე-

\*) იხ. „ზინ. საქ.“ № 85.

ბის ზრუნვაშია, რადგან ჰგონია, რომ ამ წყობილების დაურღვეველად შესაძლებელია საერთო ეკონომიური კეთილდღეობა. ჩვენ კი გვგონია, რომ საერთო კეთილდღეობა მოითხოვს ახალ საზოგადოების დაფუძნებას, იმგვარ საზოგადოებისა, რომლის არსებობა შრომაზედ იქნება დამყარებული და ამისათვის, რაც უფრო მალე დაირღვევა ჩვენებური წოდებრივ ურთიერთობაზედ აშენებული საზოგადოებრივი აგებულება, იმდენად მეტს მოიგებს ჩვენი ხალხი და ჩვენს ეროვნებასაც უფრო მკვიდრი შეურყეველი ნიადაგი ექნება საფუძვლად“...

ერთხელ, მახსოვს, სასწავლებელში მიღებული ვიყავი, თუ არა, კარგად ვერ მომიგონებია ახლა, რომ სინამდვილით მოგახსენოთ, მამა ჩემმა ხონის სანახავად წამიყვანა. შვენიერი იენისის დღე იყო და ხონის ბაზარში მისეირნობდენ ერთად მამა ჩემი და ხონის საკრებულო ტაძრის მოძღვარი ვასალ ქუთათელაძე. მე იმათ უკან მივყვებოდი. ამ დროს ელვის სისწრაფით ჩამოიქროლა ვიღაც უცხო ელვარე აღამიანმა, რომელსაც მოძღვრებმა გზა უთავაზეს და ვასილმა სალამიც მიუძღვნა მას.

— სპირიტონ! მიუბრუნდა მამა ჩემს ვასილ ქუთათელაძე. აი, ჩვენი დიდი ნიკო ნიკოლაძე ეს არის, რომ ამბობენ. მე გული დამწყდა, რომ უცნობს ვერ შევხედე კარგად. მაგრამ ვასილ ქრთათელაძის სიტყვებს დიდხანს გაქონდა ბეუილი ჩემს ყურებში და ჩემს თავს ვეკითხებოდი: ვინ იყო ეს „დიდი ნიკო ნიკოლაძე“, კაცი, რომლის მსგავსი მე არ მინახა ჩემს დღეში ქუთაისშიაჲ...

ეს ის დრო იყო, როცა ნიკო ნიკოლაძე «კრებულ-დროებას» მეთაურობდა და მკითხველს საზოგადოებაშიაც დიდი სახელი ქონდა გავარდნილი.

ახლა იმ დროის მეთაურ მწერალ ნიკოლაძეზეც ამავე მეორე ტომში ბ. არჩილ ჯორჯაძეს მოუთავსებია თვისი დაუსრულებული წერილი.

ნ. ნიკოლაძე, როგორც პუბლიცისტი და საზოგადო მოღვაწე, ერთი უდიდესი მნიშვნელობის საგანია ქართველი მწერლისთვის, რო-

მელსაც აინტერესებს ახალ, ახლა საქართველოს აღორძინების ისტორია და თავგადასავალი.

ამ მწერლის დასაფასებლად საჭიროა მიმართოთ არათუ იმ ქართულ ჟურნალ-გაზეთებს, სადაც უწერია ნ. ნიკოლაძეს თვისი სტატიები. უნდა გადაათვალიეროთ აგრეთვე ფრანგული ჟურნალ გაზეთები, ჰერცენის «კოლოკოლი», სადაც სტატიებს წერდა ჩვენი თანამემამულე. ამავე დროს იგი რედაქტორობდა და სტამბავდა საზღვარგარეთ საკუთარს ორგანოსაც რუსულ ენაზე «Современности». იგი მუშაობდა «Отечеств. Зап.» ნ. მიხაილოვსკის დროს, «Былое»-შიაც და სხვა სატახტო ქალაქის ორგანოებში, ჩვენს საქართველოში იმისი სტატიები „Кавказск. Вѣст.“ ში, იმისი საკუთარი „Обзоръ“ და „Новое Обозрѣнiе“ ხომ ყველა ინტელიგენტმა იცის. ერთი სიტყვით, აუარებელი მასალაა გა ასათვლიერებელი, რომ ამ კაცის დეაწლი სავსებით და ნათლად გაითვალისწინოს მკითხველმა. ამას ბ. არჩილიც გრძობს და სამართლიანად ამბობს, რომ „ყველა ამ მასალის შეგროვება მეტად მოუხერხებელია და იქნება შეუძლებელიცო ამ გამოად“.

ჩვენ ამაში არ ვეთანხმებით პატივცემულ და ნიჭიერ პუბლიცისტს. რუსეთში ახლა ისეთი დროა, რომ შეიძლება გამოცემა ნ. ჩარნიშევსკის, ჰერცენის და სხვების ნაწერებისაც და ნ. ნიკოლაძის ნაწერების შეგროვება და გამოცემა არ უნდა შეადგენდეს „მოუხერხებელსა და შეუძლებელს“ საქმეს. ჩვენ, პირადად, ნამდვილის წყაროებიდან ვიცით, რომ თვით ნიკოლაძის ნაწერების მოუხერხებლობის გამო, ამ საქმეს ვერ მოკიდებს ხელს და ისე კი სხვა, გარეშე პირს, სხვა-და-სხვა შიზენებისა გამო, ვერ მოუხერხებია ეს დიდი და სანაქებო საქმე. და რატომ ჰერე?

იმიტომ, რომ ჩვენი ყოველდღიური პრაქტიკის გასაყვებლად ქართველს არ იწავის, არ ამხნევეს. იგი მზამზარეთულ ლოზუნგების დეკლამაციას, ურთიერთშორის ამტყდარ პოლემიკას უნდობა...

თქვენ, უტყველია, გახსოვთ უკვდავი შჩედრინის სატირა, რომ ქალაქ გლუზოვის ოლქის სასამართლოში დაწესებული იყო ჩვეულება—არაფერი საქმე არ განეხილათ, არამედ შეკრებილიყვენ მხოლოდ და მარტო კანონების საკითხავად. აი, სწორედ ასეა ჩვენშიაც. საქმე, საქმიანობა კი არავის აინტერესებს. მხოლოდ გაზეთები გამოსცენ, შივ ავ-ყოფა გაამართონ, ე-თმანეთი გამოლანძღონ და დაამცრონ, წუთიერი, უნიადაგო სურვილები გამოაცხადონ და ილაზღანდარონ. აი, ეს მიანიათ ჩვენებურ „გაზეთიჩიკებს“ ჟურნალისტის დიდ საქმედ. ასეა, თუ ისე, ჩვენ, მადლობა ღმერთს, ილია და აკაკი ჯერ არ დაგვიწყებია. მაგრამ, რაც შეეება ნ. ნიკოლაძეს, ახლანდელი პარტიების მეოხებით, ვინ გინდათ, ვის ინატრებთ, რომ არა ლანძღავდეს მას, თვარა პირუთვნელ, მიუღდომელ განსჯას ვინდა სჩივის...

ამიტომ ბ. არჩილ ჯორჯაძის სტატია ნ. ნიკოლაძეზე, რომელიც მხოლოდ ნაწყვეტია და მეტი არაფერი, მაინც სასიამოვნო მოვლინებად უნდა ჩაითვალოს ჩვენს მრწველობაში. ნ. ნიკოლაძე, მიუცილებლად, ჩვენი განახლებული ლიტერატურის და გონების მოძრაობის ერთი უნიჭიერესი, თითქმის გენიოსი მსვეტურთაგანია. ქართველებს გარდა, იმის მადლიან კალმის ნაწარმოებს ყავს ურიცხვი მკითხველი სომეხთა, რუსთა და უცხოთა შორის, რომელნიც დიდა სიყვარულითა და აღტაცებით მოიგონებენ ხოლმე ამ კაცის სახელს, და საქართველოსთვის თავდადებულს მოღვაწეობას. რაც უნდა მკაცრის კრიტიკით შეხედონ მის საბუბლიცისტო ლიტერატურის საარბიელზე გასაოცარს მოღვაწეობას, ნიკო ნიკოლაძე, ვითარცა დიადი მღვდლვარე სულის და ძლიერი, მდიდარი ინტუიციით აღსავსე პუბლიცისტის სახელი მაინც უკვდავად დარჩება მადლიერი ქართველთა ერის ხსოვნაში. ნიკო ნიკოლაძე გკუთვნის დიადი, რთულ ბუნებოვან პირთა კატეგორიის და ოფი. ვითარცა ასეთი ბუნებისგან უხვად დაჯილდოებულია დიადი, ძლიერი შემოქმედებითი, სამხატვრო, ცოცხალ ტა-

ლანტიო, რომლის უტყუარი ნიშანი, სხვათა შორის, არის იმისი ქართული საპუბლიცისტო მანერა წერისა „კრებულ-დროება“, „შრომისა“ და „მომამბეში“ ნამეტურ. ფრიად მიმზიდველი და წარმტაცია ამ პუბლიცისტის სხარტი, მოქნილი, დახვეწილი, ნივთავით სუბტივი, მასთან მკვეთრი და მკვექარე, ცოცხალი საღობო-ტრატურო ფორმების ხმა-ება, მახვილი და წარმტაცი ენა და, ამიტომაც, ნიკო ნიკოლოძე ქართულს პუბლიცისტოკაში სწორედ ისე, როგორც აკაკი ქართულს ლირიკაში, ერთი დიადი, გენიოსური გამომხატველობაა და შემქნელი ქართული ახალი საპუბლიცისტოკისა. მაშასადამე, არავის არ უნდა გაუკვირდეს, თუ პირუთენელმა სალიტერატურო კრიტიკამ ნიკო ნიკოლოძე ჩასთვალოს ქართლისათა ერის ახალი ლიტერატურის ერთ უდიადეს, უშესანიშნავს მნათობად...

ხომლედი.

## ბერის დღიურიდგან.

ს უ ლ ი დ ა ნ ი ვ თ ი.

თვითნობიერების დაბალ საფეხურზე დგას ის ადამიანი, რომელიც თავის თავს, როგორც კონიერ არსებას, უსულა ნივთიერებისაგან გერ აჩქეს. უგულაფური რაც ნივთიერების სასუქლოდებს ატარებს სრწნადია, ნივთი ბუნებით შეკვარი არსება და სიტაცხლის აზროვნება უფლად წარმოუდგენელია მის მიერ. ბუნებით შეკვდისაგან სიტაცხლის გაჩენა უბუნებოა და უაზროსაგან აზრის გადმოდება ბუნებურ კანონის წინ მასსრობაა. ნივთს ბუნებად რაც არა აქვს, იმას ვეთ წარმოშობს. ამბობენ კერძოთ ნივთიერების აზრი არა აქვს, მაგრამ სსეულად შეწყობილ ნივთიერებას აქვს თვისება სიტაცხლე-აზროვნებისაო. მაგრამ კაცსა და ნივთს შორის აზროვნების მხრივ განჩქევა რაოდენობითი როდან თუ შემიდგენელი ხაწილი სსეულისა ნივთი ბუნებით შეკვდარია და უაზრო, როგორც განებისთ მიაწვეგ-მოაწვევთ, მიაზროვნე სსე-

ულს მანც ვერ შიიდებთ. ჩონგურის სიმეხი ცაღ-ცაღეე რომ არ წკრიადებდენ, როგორც ესურთ გადაბ გადმოაბათ ერთად ვერ შეახმატობიდებთ.

სიტაცხლე, როგორც არა ნივთის ქვემდებარე, ნივთიანც ციურ სამამულა ბრწეინვალებას იჩენს. ნივთიერ ბუნების სსეულისდებანა კრულე-ბითნი, კინა სსეზღვარ-დებითნია, სოლო სულის სსეულისდებანი, რომელ არს ვანებითნი, უსსეღვრ-რეებით თავისუფლებს. სულის თავისუფლება შეუკვრედ და შემოუსსეღვრედია, სულის მოთსოგნი-ლებანნი და მისი თვისებები არიან შექმნულ სსე-მარადისო უკვდავ სურვილით და ეს მისი სურვილი უნივთო თვისებებშია და ხორციელდება მარადის უსსეღვრო სისრულისადმი ზეკადსღვამი. სული უსსეღვრებით ფრინავს, მისი კანებრივი თვალი უსსეღვრებით როდია შემოსსეღვრული, მზგავსად ნივთიერ ბუნებისა, არმედ თავისუფლებით აღმავალბს.

თუ სული და ნივთი ერთი მატერიალური შემამულეა, უსათუოდ ერთ-თვისებთა ბირბებში ერთი მიმართულება და თანხობა უნდა სუფიედეს მათში. თუ სული მალაღ-შობიდებითი არსება არ არის და ნივთის ბუნებური შობიდებაა, მაშინ რად არსებობს მათ შორის სსევა-და-სსევაობა თვისებამ-მართულებისა? ვინ სად ისილდა, ან ვის ესმა მზის დისკოსაგან ხან ბნელისა და ხან-ხათლის მფენაობა, თუ არ ეშაკედლა მას მეორე ვამოგნება—კინა ზღანეტი? ერთ საუნჯეში—კინა ერთ ჭურში რადენიც სსევა-და-სსევა ხაირი დვინო ჩაასსა შეხავების შემდეგ მთელ ჭურიდან გადმოსსეული დვინო ერთ გემოვნებისა, ერთ ძლიერების კამოვა. ერთ წყაროდან აღმომდინარე წვალი ეოგ-ლადეე ერთ-თვისების და ერთ-სსეხასობის ცნობას გადმოგვემს. მაშ რა უჭეშმარიტეს არს ამისა, რომ შეკვარ ნივთიერებიდან ცოცხალი, აზროვანი სული გამოვევთ და ერთ ნივთიერ წყაროდან მომდინარეთ არ შევიწინაროთ?

მრავალს აბრკოლებს ის, რომ სული უხალავია ამბობენ, კაცის სსეული ასო-ასოთ დავსსე-რით, მაგრამ სული ვედარ ვნახეთო. რა დაუკარ-გებელი და ბავშური სსევა! კინა ცოცხალ ბუნებაში უხალავი, მაგრამ ამავე დროს უგულასთავის სარ-წმუნა?! ვის შეუძლია განიცადოს ხორციელის

თვლით, კინ ნახა ხალხულად მოზარდობის ძალა? უკვლავ ვამჩნევთ და ვიცი, რომ იზრდება ნორჩი ბავშვი სრულ ჰასაკოვანებად, ჰაწია ნერვი დიდ ხედ, მაგრამ ეს საიდუმლო მოქმედება გინა-ღაკსთ ვისმე? ან შეგიძლიათ მოზარდობითა ფარულ მოქმედების გამოხატვა, ან დასასვება?

აი აგერ სიმინდის უანა, ჯერ უტარო ხელდ ფურცლებიანი ღერობით მოფენილი, ერთი ამ ღერობისაგან ძირაწათ მოფისსარეთ, ნაკვეთ-ნაკვეთად დაუსჭერთ, დაუღებოთ, მაგრამ ვერსად რა ვიპოვებთ თვალსაჩინოდ ნიშანი მის შარის მეფის იმ საიდუმლოებისა, რომელსაც გვირდება ეს ხელდი ღერო. მაგრამ განა უკუას მოტეუება არ იქნება, რომ ამ განსიღვას დავეუაროთ და ვსთქვათ, ამ ღეროში არაფერი უფიქვანა მომავალ ნაყოფის დასამტკიცებელი საბუთი? ვინ არ იცის, რომ მუშაკი ამ უანისა შრომობს შეუორგულებელ სარწმუნოებით, რომ განიღვას ეს ღერობა დიდებულ ტარებს მომავალ წლის სარჩოდ და მიუხედავად იმისა, რომ ამ წამს მის წინ მხედოდ ცაღიერი ღეროა, იგი დრმად დარწმუნებული გულსმოდგინეთ მუშაობს. ახლა მომიგე, ურწმუნოების ეჭვით ტან-ჯულთ მძაო, ამ სიმინდის ხელდ ღეროში, რომელიც ნაკვეთ-ნაკვეთად დაუსჭერთ და ვერაფერი ნიშანი ტარებისა ვერ ვიპოვებთ თვალსაჩინოდ, რას იტყვი, უფიქვანა თუ არა დაფარულად ის ძალა, ის საიდუმლოება, რომელიც შემოდგომასე კაღებებად დატარებული ახარებს მუშაკს. ხელდ მძაო საიდუმლოებით ფარულ ძალა-მოსილებასს წადის ღერობა ცაღეკ დარჩა და მის შარის საიდუმლო ნაყოფ-სსმულებს ცაღეკ კაღებებად მოტარდა. აგერ კაღეკ შებრძნით ბაღში გაზაფხულის დღეს. გადავლეთ თვლი ხადსართა სეობას, ამწვანებულ ფურცლებით დაბურულს. ერთი ამთვანიც მოეჭრათ და დაუბათ ნაკურ-ნაკურათ და სწორეთ იგივე სიმინდის ღერობის დაგვარ ვერას ვიპოვებთ შინაგან ამ ხისა ნიშანს მის მიერ მომავალ ნაყოფთა სასასას, რაც თავის დროსე რტოთა სსმულ სიმდიდრე ხას-შეგნიერება ახარებს თვალთა. რადა ასე თითო-თითოდ მოკაბეზრათ თავი ნუ თუ მთელი სსმუფო მტენარეთა ამ საიდუმლოებით არ არის გადაშლილი წყის თვალწინ?

ალექსი ბერი.

კიდევ დია წერილი ოზურგეთის მაზრის მისიონერს თვადს მელქისედექ ნაკაშიძეს.

(დასასრული \*).

მეტად სადაო და საცილობელ საკითხს ებოტინებით, როდესაც ამბობთ—ძველათ გურიიდან ვრცელდებოდა გალობა ქართლ-კახეთშიო. ამის საბუთები რომ ხელში გქვოდეთ, კიდევ მოიყვანდით, მაგრამ თქვენდა სავალალოთ ასეთი არა გაქვთ რა და იმიტომ მარტო ლითონი სიტყვებით რიკაობთ.

მღ. პ. კარბელაშვილს თავის მეცნიერულ ნაშრომში ქრონოლოგიურათ აქვს აღნიშნული, რომ აღმოსავლეთ საქართველოში ყველა საუკუნეში ყოფილან სრული მგალობლები, ყოფილან ისეთებიც, რომ მეტი გალობა სცოდნიათ, ვიდრე დასავლეთის საქართველოს მგალობლებს \*\*).

თუ მეზვიდმეტე საუკუნეში გურიაში ბრწყინავდნენ იაკობ ღუმბაძე და იოანე ჩხატარაიშვილი, სამაგიეროდ ამავე დროს ქართლს ატკობდნენ და ამკობდნენ სრული მგალობლები: პაპუნა ყანჩაველი, არსენ დაყუდებული, საბა მგალობელი, ისაკ მგალობელი, იორამ მგალობელი, იობ ფიტარეთელი, დეკანოზი იესე ტლაშაძე, დავით მესხი, გიორგი მესხა და სხ. \*\*\*)

დაამტკიცეთ უტყუარი საბუთებით, რომ ჩამოთვლილი პირები ყიზილბაშურათ ყიყინობდნენ, რომ ეს პირები გალობდნენ არა ქართლ-კახურ კილოზე და ჩვენ ქედს მოვიხრით თქვენ წინაშე, მანემდისინ კინებას ვიტოვებთ თქვენს მსჯელობას ვუწოდოთ სიცრუე.

განსვენებული ეპ. პეტრეს წიგნიდამ ამოღებული მოწმობა, როგორც საერთოდ ყველა თქვენმიერ მოყვანილი ციტატები, არასფერს სასარგებლოს და თქვენი სახელის გამოხატენს არ შეიცავს. ეს ალაგიც ისე უაზროთ და უხერხულოთ გაქვთ მოყვანილი, როგორც ა. ჯამ-

\*) იხ. ჟინ. საქ. № 36.  
 \*\*) ქართული საერო და სასულიერო კილოები, გვ. 74.  
 \*\*\*) იქვე გვ. 75.

ბაკურ-ორბელიანის წიგნიდამ გამოკრებილი ციტატები. ყოვლადსამღვდელო პეტრე აღნიშნავს მხოლოდ იმას, რაც მას უამბეს ათონის მთაზე იოანე ღვთისმეტყველის სავანის ქართველმა ბერებმა, მაგრამ დასაჯერებელი და სახეში მისადგება ეს ნაამბობი თუ ქორი და მოგონილია, — იმაზე იგი სდუმს და ესეთი დუმილი თქვენთვის სამსალაში ამოვლებული ისარაა. ყოვლადსამღვდელო პეტრე ძალიან კარგათ გიცნობდათ სინამ ათონში წაბძანდებოდა, მან მშვენივრათ იცოდა, რომ ერთ დროს თქვენ ჩაბარებული გქონდათ თბილისის სემინარიაში ქართული გალობის საქმე; სემენარიაში რომ რამე უნარი გამოგჩინათ გალობის სწავლებით, გნსვენებული ყოვლადსამღვდელოც ნდობის თვლით შეხედავდა ბერების ნაამბობს თქვენ შესახებ, ამ ნაამბობს უსათუოთ დაუმატებდა — თბილისის სემენარიაშიც ასე სახელოვანათ ისჯებოდა თავადი ნაკაშიძეო, მაგრამ რაკი ამისთვის მას არავითარი საბუთი არ ჰქონდა, კრინტსაც არ სძრავს, თითქოს მარტო ათონის მთაზე გაიგონათ პირველათ თქვენი სახელი და გვარი.

რაც შეეხება მაქსიმეს საბიოგრაფიო წიგნაკიდაშ ამონაწერს, ეს მთლად ბაღდათა თქვენის მხრით და მაგონებს არაკს, მელას რომ თავისი კუდი მოწმედ მოჰყავდა. გადავდივარ შატბერდის კრებულზედ, ან მიქელმოდრეკილის საგალობლებზედ.

თქვენ, ენაწყლიანობთ და მახვილაკობით მიბძანებთ: „გამიწერეს თქვენი ქაჯების მადლი, ბატონო ქაჯეთელო, თუ მესმოდეს სიდან გამოატყუარინეთ შატბერდის საგალობლები და მისი გასადებები ქართულს გალობასთან, რომლის მსგავსი მე არასოდეს არავისთან არ მითქვამს და არც შემიძლო მეტქვა, მაგრამ. ალბათ თქვენ გსურთ ახალი სახელით მონათლოთ ქართული გალობა, როგორც კარბელაშვილებმა მონათლეს თავიანთი სიმღერების კილოზე შეთხზული გალობა ქართლ-კახეთის კილოთ“.

შატბერდის საგალობლები და გამოტყუარენა! მაშ დ. ბაქრაძე, პ. კარბელაშვილი, მ.

ჯანაშვილი, თ. ჟორდანიას და ათასი სხვები სულ ცრუები ყოფილან, რომ ამ საგალობლებზე მსჯელობენ და გამოკვლევებს სწერენ, იმათაც მოუქორავთ, იმათაც სურვებიათ ქართული გალობის ახალი სახელით მონათლოა!

დღეს სუფლის ერთკლასიანი სასწავლებლის მოწაფეც იცის, რა დაუფასებელი საუნჯეა ქართული გალობისათვის შატბერდის ან მიქელმოდრეკილის საგალობელთა კრებული და შენ კი ყოყლოჩინობით მეკითხები — საიდან გამოატყუარინე ეგ კრებული ქართულს გალობასთანაო!

აქ, ბატონო მგალობელო, შენივე საკუთარი ხელით გაატატრე და მთლათ გაანადგურე შენი თავი, ასე რომ ამის შემდეგ აღარ ღირს შენთან ბაასი, მაგრამ ნათქვამია „მტყუანს ტყუილის კარამდე ჩაჰყე“ — და მეც ვეცდები ჩავათავო ბოლომდე სიცრუით ავისილი თქვენი წერილი.

სიცრუეა, თქვენი დარწმუნება: „მემუსიკე, რაც გინდა უმეგალითო ნიქის პატრონი იყოს, ყოველივე მისი ცდა ქართული გალობის გასადებების საიდუმლოების შესწავლისათვის ამოაიქნება“ და სხ. კაცმა იეროგლიფები გაარკვია, ლურსმული წარწერები წაიკითხა და არაფერი საექო არ არის, რომ ჩვენი გალობას ძველნიშნებსაც უსათუოთ აუღებენ აზრს და, ჩვენ თუ არა, ჩვენს შვილებს და შვილიშვილებს აინც შეეძლებათ შეუცდომელათ გარჩევა ამ ნიშნებისა, რომლებითაც აქრელებული არიან შატბერდისა, ალავერდისა და ფიტარეთის საგალობელთა კრებულები. რასაკვირველია, ამას მოახერხებენ ისეთი პირები, როგორებიც არიან კარბელაშვილები, ფალიაშვილები, კარგარეთლები, ჩხიკვაძეები და არა თქვენი მუსიკალური განვითარების პატრონები, ბ. მეღჭიკსედექ. აღნიშნულმა პირებმა უკვე შეიტანეს თავიანთი წვლილი ჩვენი გალობა-სიმღერის საგანძურში და თქვენ ბევრიც რომ იფხაკუროთ, ვერაფერს წაართმევთ მათ სახელებს. პირიქით, თქვენ რომ ნამდვილათ გალობის ერთგული მუშაკი იყოთ, ძმურათ უნდა იყოთ მათთან გადაქდეული. „გალობის მცოდნე პი-

რები სამია მეტი აღარ არის მთელს ივერიაში. ახალიც აღარავენ სწავლობს, რადგანაც ქართული გალობისათვის არავითარა ჯილდო არ არის დანიშნულიო“, ბრძანებთ. ამ ივერიის სამ მსოფლივ მგალობელთა შორის ერთ პირად, უსათუოთ, თქვენს თავსა გულისხმობთ, მეორედ—დევანოზს დავით დუმბაძეს და მესამეთ ან დიტო ქალაღანიძეს, ან მღ. რაქდენ ხუნდაძეს. ყველას სამსახური გქონდათ და გაქვთ სსწავლებლებში, ყველას საკმაო ჯამაგირით გაჯილდოებდნენ შრომისათვის და არც ჯვარამენდლებს გაკლებდნენ, მაგრამ მიუხედავად ამისა, თქვენ თითონ აღიარებთ თქვენი ტკბილად მგალობელი ენით, რომ დღევანდლამდე ყველა ჯამაგირიან-ჯვარიან-მენდლიან მგალობლებს ერთი მგალობელიც არ გამოგიზრდიათ ივერიისათვის, თუმც ყველანი ქაბუკები აღარ ხართ და ხშირი ქალარა გიბრწყინებთ სახეს. თქვენ, თავადო მელქისედექ, როგორც მაზრის მისიონერს, დღესაც კარგი ჯამაგირი გეძლევათ მთავრობისაგან და განა რაში უნდა მდგომარეობდეს თქვენი მისიონერობა, თუ არა გალობის აღდგენა-გავრცელებაში? რამ შეგიშალათ ხელი, რომ დღევანდლამდე სამი გურული ახლგაზრდისთვის ვერ გადაგიციათ გალობა იმ ზომით, რა ზომითაც თქვენ იცით იგი? საინტერესოა ვიცოდეთ, რა ჯამაგირს ღებულობდა ის სულით განათლებული კაცი, ვინც თქვენი თავით დაასაჩუქრა ივერია. სხვებზე არ ვამბობ და თქვენ კი, ბ. მელქისედექ, მილიონიც რომ დაგენიშნოთ, რაცა ხართ, ვგ იქნებით.

მოხარული ვარ, რომ ჩემს მოკლე ღია წერილს გაუჭრია, სინამდვილე შეგიგნიათ და თქვენს თავს კომპოზიტორათ აღარ სთვლით. ღმერთმა ინებოს, რომ ამ მეორე წერილის შემდეგ გამოგეცხადებინათ, რა დიდ დანაშაულობას ჩასდინხართ ქართლ-კახურ გალობას რომ უზიღბაშთა უიყინად სთვლით. მანემდისინ კი, იცოდეთ ბატონო, რომ თქვენი მოწოდება, „ქართველები ნუ გავიყოფით ქართლ-კახელობით და გურულ-იმერლობით“, უაზრო წყლის ნაყვად და საზიზღარ ფარისეულობად დარჩება. მანემდინ, ბევრიც რომ გეწ-

ყინოთ, ფსევდონიმს არ ავიხდი, რადგანაც ფსევდონიმების ხმარება ჩემი მოგონილი არ არის და არც რამ საძრახისი იფარვის მაში. თქვენ არ დაიჯერებთ, მაგრამ გარწმუნებთ კი, რომ ფსევდონიმს ამოვეფარე სწორეთ თქვენი პატივისცემის გულისთვის, რომ თქვენ საშუალება გქონდეთ სრული თავისუფლებით და გბედულობით გამოსთქვათ თქვენი აზრები. მოველი, რომ ტრაბახობა-სიცრუეს ჩამოეთხოვებით და არსებით პასუხს გამცემთ იმ კითხვებზე, რომლებიც წამოგიყენეთ პირველ წერილში.

ქაჭუთელი.

რედაქტორი, მღვდელი სიმონ მამდლიძე.  
გამომცემელი, იოსებ ლეჟავა.

მიიღება ხელის მოწერა 1912 წლისათვის

### „შინაური საქმიანობა“

გაყვანის ფასი:

- წლიურათ — 4 მანეთი მშვიდგან.
- ნახევარი წლით — 2 მანეთი.
- სამი თვით — 1 მანეთი.
- ერთი თვით — 2 აბაზი.

ცალკე ნომერი ქუთაისში ერთი მანეთი.

ფულის უგებრანა წლიურ ხელის მომწერთათვის შეიძლება ასე განაწილდეს: თავიდან 2 მანეთი და 1 ივნისს 2 მან. განცხადების ფასი უნა გვერდზე პეტრეთ სტრიკონი ორი მანეთი, უკანასკნელზე 7 კაპ.

რედაქტორი მღვ. ს. მჭედლიძე.

ზ ა ნ ც ხ ა დ ე ბ ა ნ ი .

# სტამბა „ურუმს“

— დაბა შვირილაში —

შვირილის რკინის გზის ხიდის პირდაპირ  
დებულბს ეოველეგვარ სანსტამბო სუქმ.  
ვბეჭდავთ: ბღანკებს, აფიშებს, კანცხადებებს,  
წიგნებს, ბროშურებს და ეოველეგვარ მის-  
წვევ წერადებს: ქორწინებისას, ნათვლისას,  
სამკლავიაროსას და სხვ. აგრეთვე კონტა-

რებისათვის სანგარიშო წიგნებს და წიგნ-  
კებს, კვოტანციებს, იარღიკებს, სადარბაზო  
ბარათებს (ვიზ. კარტ.) და სხვ.

აგრეთვე გვაქვს დამზადებული ყველა სანწავლე-  
ბლისათვის კლასის ეურნალები და ბილეთები.

საქმეებს ვასრულებთ სუფთად და თავის  
დროზე ძლიერ დაკლებულ ფასებში.

რაშიდაც შეუძლიანთ დარწმუნდნ თვით  
პატივცემულნი ზაკაზჩიკები.

ადრესი: ევირილა სტამბა „ურუმს“.

Адресъ: Типогр. „Трудъ“ Каврилы

# სამხატვრო სახელოსნო

ა. ი. ყირიაკოვისა. ქ. ქუთაისში.

დებულბს ეოველეგვარ სამხატვრო-საეკლესიო სამუშევრს. ასრულებს  
დროზე, სუფთათ, საიმედოთ და სინდისიერათ.

ფასუბა ნახატებას დირსებუზე და ზომასუბა დამოკიდებული და ეოველ შემთხვევასი  
საშუაღოა.

სამხატვროს არავისთან დამოკიდებულეზა და კავშირი არ აქვს და ამიტომ ყვე-  
ლას სთხოვს პირადათ მასთან მოიქცენ და არ დაუჯერონ ზოგიერთ ჩარჩ მხატ-  
ვრებს და მოიჯარადრებს რომლებიც ჩვენი ფირმის სახელით სარგებლობენ  
საქმის აღების დროს სოფლებში. სამუშევრს პირობით ვღებულბობთ, თუ მოწო-  
ნებული არ იქნება სასულიერო მთავრობისაგან უკანგე ვიბრუნებთ და სხვას ვა-  
სრულებთ იმავე მთავრობის შენიშენისამებრ.

ჩვენი ფირმა სარგებლობს გურიბ-სამეგრელოს ეპისკოპოსის ეოვლად  
სამღვდულო ლეონიდუს ნდობით და გვაქვს მათი შეუფებისაგან შესა-  
ფერი მოწმობა.

ადრესი: „შინაური საქმეების“ რედაქცია, ვახაკოვის ქუჩა № 17.

## გ ა ნ ც ხ ა ლ მ ბ ა .

თბილისის და ქუთაისის წიგნის მაღაზიებში და მოწამეთის მონასტერში იუილება არსიმახდრიტის ნესტორის მიერ შედგენილ - გამაცემული წიგნები სასულიერო შინაარსისა:

- 1) კაიაფას ვაჟი შვილი — 50 კ.
- 2) მესამე ოქრო — — — 5 კ.
- 3) გზა ცხოვრებისა — — — 30 კ.
- 4) ძველ აღთქმის საღვთო ისტორია 50 კ.
- 5) ახალი აღთქმის საღვთო ისტორია 40 კ.
- 6) სიკვდილი მართლისა — — — 10 კ.
- 7) ერთი ღამე აკალდამაში — 5 კ.
- 8) არა კაც კლა — — — 5 კ.
- 9) კარგი ყველგან კარგია — 10 კ.
- 10) ქრისტიანობა და დემოკრატია, ქრისტიანობა და სოციალიზმი 15 კ.
- 11) ცოლ-ქმრობა (საღვთო წერილიდან — — — — 5 კ.
- 12) მამა დავით გარეჯელის ცხოვრება და მოღვაწეობა — — 10 კ.

სამკითხველოებს და სასოფლო შკოლეებს, როგორც სამრევლოს ისე საეროს, ხაღდ ფულზე ვინც გამოიწერს, ეველა წიგნებს დაუთმობ ნახევარ ფასად. სოლო წიგნის მაღაზიებს, რომელიც ხაღდ ფულზე გამოიწერენ, დაუთმობ 30%, ადრესი: **Черезъ Кутаисъ въ Монасти. Архимандриту Нестору.** ვინც ისურვებს ჩემგან ჰარდაპირ გამოწერას, ვსთხოვ ადრესი გარკვევით მომწეროს.

### „შინაური საქმიანობა“-ს რედაქციაში იუილება:

კლიროვის უწევებები ახალი ფორმისა და ეველა უწევებობა (**ВЪДОМОСТИ**) წლიური საბლადთხინო ანგარიშებისათვის. ბლანკები „შობის“ გამაცემას და ფულიც მას ეკუთვნის. ფასი ბლანკებისა — რწვეილი 5 კაპ. ვინც ორასზე მეტს დაიბარებს — 4 კაპ.

ხვედრი ფული უნდა გამოიგზავნოს შემდეგი ადრესით: **Кутаисъ, Правленіе религиозно-просвѣтительнаго „братства“.**

Ольденбургская д. № 5.

სკამბა „შრომბა“ დაბა უფსრიაში, ● Типографія „Трудъ“ въ м. Квирилы